



Hér eru samankomnir fulltrúar 5 norrænna læknablaða: Läkartidningen, Ugeskrift for læger, Tidsskrift for Den norske legeforening, Læknablaðsins og Lääkäri-lehti. Einmuna bláða og gróðurhúsaáhrif léku við fundargesti á bryggjusporðinum á Ægisgarði í Reykjavíkurbíó. Myndir: Sigríða Þóra Sigþórsdóttir.

Norrænar læknablaðarítstjórnir þinguðu í Reykjavík

■ ■ ■ Pröstur Haraldsson

Það er orðin alllöng hefð fyrir því að ritstjórnir og starfsfólk norrænu læknablaðanna haldi með sér árlega fundi. Þetta árið var röðin komin að *Læknablaðinu* að gegna starfi gestgjafa og í byrjun september komu hingað um tveir tugir gesta frá norrænu systurlöndunum fjórum í Noregi, Svíþjóð, Finnlandi og Danmörku til skrafs og ráðagerða.

Fundurinn var að þessu sinni haldinn á Hótel Marina í gamla slippnum við Reykjavíkurbíó og tókst afar vel. Gestirnir komu að kvöldi fimmtudagsins 1. september, daginn eftir var fundardagurinn en svo fór hluti gestanna í skoðunarferð um Suðurland um helgina.

Fundir þessir eru oftast með því sniði að fyrir hádegi gefa löndin skýrslu um starfsemina á árinu og svo er rætt um

rekstrarhorfur blaðanna, stöðuna á auglýsingamarkaði, nýjungar í útgáfunni, ekki síst netútgáfu blaðanna, og síðast en ekki síst samskipti ritstjórnanna við eigendur og útgefendur blaðanna, samtök lækna á Norðurlöndunum. Eftir hádegi er svo efnt til málþings þar sem gestgjafarnir leggja til frummælendur um það sem þeir telja mikilvægt að miðla til gesta sinna.

Völd og heilbrigði

Læknablaðið bauð að þessu sinni upp á tvö erindi. Í því fyrra fjallaði Birgir Jakobsson landlæknir um stöðuna í íslensku heilbrigðiskerfi og bar það saman við það sænska sem hann hefur kynnst vel í störfum sínum í Svíþjóð, síðast sem forstjóri Karolinska sjúkrahússins í Stokkhólmi.

Kjarni þess erindis var byggður á skýrslu sem alþjóðlega ráðgjafarfyritækið McKinsey gerði fyrir velferðarráðuneytið.

Hitt erindið vakti ekki síður eftirtekt gesta jafnt sem heimamanna. Það flutti Torfi Magnússon taugalæknir og var það að verulegu leyti samhljóða ritstjórnargrein sem hann skrifaði fyrir *Læknablaðið* í vor og birtist í 5. tölublaði þessa árs. Í þeirri grein fjallar Torfi um völd og valdafíkn.

Ekki verður farið í saumana á erindi Torfa hér en það fór ekki milli mála að það snart ýmsa kunnuglega strengi í hugum áheyrenda, í það minnsta þeirra sem eitthvað hafa fylgst með gangi mála í íslenskum stjórnámálum undanfarnar vikur og mánuði. Torfi tók dæmi af tveimur mönnum sem ótvírátt hafa orðið fyrir því



Góð fundaaðstaða í Slippbíoinu á hótél Marina og einbeitingin ósvikin.

að skapferli þeirra og framferði allt breyttist við það að þeir komust til valda. Þessir menn voru Tony Blair forsætisráðherra Bretlands og Jónas Jónsson frá Hriflu sem meðal annars átti í útistöðum við íslenska geðlækna meðan hann gegndi embætti

dómsmálaráðherra árið 1930. Þær hugsanir sem kviknuðu í huga undirritaðs voru þó um öllu nýrri atburði í íslenskum stjórnmálum sem sumir hverjir eru tæpast til lykta leiddir þegar þetta er ritað.

En hvað sem því líður þá var gerður góður rómur að málf lutningi gestanna og raunar fundinum öllum og fóru hinir norrænu gestir brosandir heim úr síðsumarblíðunni, ögn fróðari um íslenska pólitík og heilbrigðismál.



ATHYGLI
RÁÐSTEFNUR

Þing lyflækna 2.-3. desember í Hörpu

XXII. þing Félags íslenskra lyflækna verður haldið í Hörpu í Reykjavík dagana 2.-3. desember. Þema þingsins er lyflækningar framtíðarinnar. Á þinginu verður fjallað um sjúkrahús framtíðarinnar, göngudeildarþjónustu framtíðarinnar, einstaklingsmiðaða læknisfræði, notkun og misnotkun órípta í læknisfræði svo og nýmæli í lyfjameðferð.

Vísindarannsóknir verða kynntar með ágrípum sem gefin verða út samhliða þinghaldinu og efni þeirra skýrt með veggspjöldum.

Skilafrestur ágripa er til 20. október.

Leiðbeiningar varðandi ágríp:

Hámarks lengd ágripa miðast við 250 orð (titill ágrips og nöfn höfunda og stofnana ekki talin með).

Ágríp skulu rituð á íslensku og er ætlast til að vandað sé til orðfæris og efnistaka. Lyfjaheiti skal rita með íslenskum rithætti.

Innsending ágripa og skráning á þingið á heimasíðu Athygli ráðstefna.

Skipulagningu þingsins annast Athygli ráðstefnur:

birna@athygliradstefnur.is, tobba@athygliradstefnur.is

Einnig er unnt að leita upplýsinga hjá stjórn Félags íslenskra lyflækna:

Davíð O. Arnar formaður, davidar@landspitali.is

Gerður Gröndal ritari, gerdurgr@landspitali.is